


Bosna i Hercegovina
Odjeljenje za makroekonomsku analizu
Upravnog odbora Uprave za indirektno-
neizravno oporezivanje



Босна и Херцеговина
Одјељење за макроекономску анализу
Управног одбора Управе за индиректно
опорезивање

Macroeconomic Unit of the Governing Board of the Indirect Tax Authority

Oma Bilten




broj
број
number


96/97

Uz ovaj broj

Prema preliminarnom izvještaju UIO u mjesecu julu 2013. naplaćeno je neto prihoda od indirektnih poreza 428,4 mil KM ili 6,2% manje nego u istom mjesecu 2012. Na nivou sedam mjeseci naplaćeno je 2,761 mlrd KM neto prihoda ili 0,9% manje u odnosu na isti period 2012. (Grafikon 1). Nominalni pad neto kumulativne naplate iznosi 25 mil KM. Kumulativni rast zadržan je samo kod akciza zahvaljujući ekstremnom rastu naplate akciza na uvezene cigarete u junu od 99% (Grafikon 2) kao rezultat gomilanja zaliha cigareta iz Hrvatske pred ulazak u EU.



Grafikon 1



Grafikon 2

Budući da cigarete iz Hrvatske drže oko trećinu tržišta cigareta u BiH, a imajući u vidu da je tokom maja i juna 2013. nagomilano zaliha cigareta za tri-četiri mjeseca, u julu je, očekivano, zabilježen snažan pad prihoda od akciza na uvezene cigarete od 44%. U narednim mjesecima realno je očekivati nastavak trendova u naplati akciza na cigarete ispoljenih u julu 2013.

dr.sc. Dinka Antić
šef Odjeljenja

Sadržaj:

Efekti metodologije raspodjele prihoda od indirektnih poreza na vladine račune	2
Uspostava saradnje između poreznih uprava u EU: pouke za BiH, III	9
Preliminarni konsolidovani izvještaj: JR, institucije BiH, entiteti – 2013	15
Preliminarni konsolidovani izvještaj: Centralna vlada – 2013	17
Preliminarni konsolidovani izvještaj: Institucije BiH, entiteti, BD – 2013	18
Konačan konsolidovani izvještaj: Opća vlada - 2012	19
Konačan konsolidovani izvještaj: Centralna vlada - 2012	20
Konačan konsolidovani izvještaj: Institucije BiH, entiteti, BD – 2012	21

tehnička obrada : Sulejman Hasanović, IT saradnik
lektor : Darija Komlenović, prof. anglistike

Efekti metodologije raspodjele prihoda od indirektnih poreza na vladine račune


(piše: Aleksandra Regoje)

U skladu sa obavezama po Stand by aranžamanu Odjeljenje kvartalno objavljuje konsolidovane izvještaje o vladinim operacijama¹. Prihodi u ovim izvještajima evidentirani su na gotovinskoj osnovi, a indirektni porezi se odnose na evidentirane prilive u datom vremenskom periodu svih korisnika uključenih u izvještaj. U uvjetima evidentiranja prihoda na ovaj način, prilikom obračuna vladinog bilansa dolazi do izražaja dinamika raspodjele prihoda sa Jedinstvenog računa UIO (JR). Obzirom da se radi o najznačajnijem izvoru prihoda opće vlade, razlike u obračunu bilansa zbog evidentiranja indirektnih poreza u vrijeme njihovog doznačavanja nisu zanemarive. Iz ovog priloga ćemo vidjeti da neki elementi raspodjele donose efekte prilikom obračuna bilansa na nivou BiH, dok drugi imaju efekte samo prilikom obračuna bilansa pojedinih nivoa.

I Efekti rezervi na JR

Određeni elementi fiskalne politike doveli su do toga da je raspodjela indirektnih poreza imala značajne efekte na obračun konsolidovanog bilansa BiH u godini uvođenja PDV-a (2006) kao i u narednoj godini (2007). U periodu nakon toga razlika prikupljenih i raspoređenih prihoda nije značajna, a od 2009. godine se uglavnom odnosi na saldo rezervi putarine za autoputeve (0,10 KM/l).

Grafikon 1



Izvor: UIO i Agencija za statistiku BiH²

Iz grafikona br. 1 možemo vidjeti da bi uključivanje bilansa JR u 2006. i 2007. godini imalo efekte na obračun konsolidovanog vladinog bilansa za cca +0,6% i -0,5% BDP-a respektivno (obračun BDP-a po proizvodnom pristupu, BHAS). Ovo se može objasniti specifičnostima dinamike isplate povrata u periodu neposredno nakon uvođenja PDV-a zbog prelaznih zakonskih rješenja, i to:


- Fiksna stopa izdvajanja rezervi (10%) do februara 2008. godine,
- Početak isplate povrata od martu 2006. godine,
- Suspenzija povrata obveznicima koji nisu izvoznici u 2006. godini.

¹ http://www.oma.uino.gov.ba/09_izvjestaji.asp?l=b

² BDP prema proizvodnom pristupu, tekuće cijene, Agencija za statistiku BiH (Tematski bilten 01, decembar 2012; Saopćenje broj 3, juli 2013 - prvi rezultati za 2012)

U uvjetima suspenzije povrata obveznicima koji nisu pretežni izvoznici, fiksna stopa izdvajanja rezervi od 10% pokazala se previsokom u 2006. godini. Sa druge strane, u 2007. godini taj procenat se pokazao nedovoljnim i pored „crpljenja“ pozitivnog salda rezervi iz 2006 (Grafikon 2). Kraj 2007. godine je karakterističan po tzv. krizi rezervi JR koja je kulminirala na početku 2008. godine kada je donesena Odluka UO UIO koja je osigurala blagovremenu isplatu povrata sa JR. Po toj Odluci se rezerve utvrđuju na dnevnoj osnovi, kao suma povrata koja se treba isplatiti naredni radni dan, a minimalna stopa izdvajanja iznosi 10%.

Grafikon 2



U periodu nakon 2007. godine nema značajnog efekta raspodjele indirektnih poreza na konsolidovani vladin bilans, a razlika prikupljenih i raspoređenih prihoda na JR kreće se od -0,01 do +0,06% BDP-a. Ove razlike se najvećim dijelom pripisuju saldu na podračunu rezervi putarine za autoputeve. Naime, Odlukom o privremenoj raspodjeli prihoda od putarine za autoputeve (Službeni glasnik BiH, broj 102/09) od prikupljenog iznosa putarine za autoceste 10% ostaje na podračunu JR a služi za poravnanje prihoda po utvrđivanju konačne metodologije raspodjele. Preostalih 90% prihoda dijeli se između entiteta i Brčko Distrikta, i to 59% Federaciji Bosne i Hercegovine, 39% Republici Srpskoj a 2% Brčko Distriktu. Odlukom UO UIO iz septembra 2011. godine³ raspoređeno je 26 mil KM od iznosa rezervisanih sredstava iz perioda 2009-2011, što je osnovni razlog negativne razlike prikupljenih i raspoređenih sredstava u 2011. godini (Grafikon 1). U julu 2013. godine je ponovo donesena odluka o raspodjeli rezervi namjenske putarine.

II Efekti poravnanja

Poravnanja koja se vrše sa JR nemaju uticaja na konsolidovani bilans na nivou BiH, ali imaju na bilanse pojedinih nivoa vlasti. U Republici Srpskoj (RS) i Federaciji BiH (FBiH) su se prihodi od poravnanja kretali u rangi između -1,2% do 2,3% ukupno doznačenih prihoda entitetu date godine. Izračunati u % doznačenih prihoda, učešća su u svakoj godini, očekivano, bila veća u RS obzirom na manji udio tog entiteta u raspodjeli sa JR. Primjera radi, isti iznos poravnanja za koji je korigovana raspodjela FBiH u korist RS ima cca duplo veće učešće u ukupnim prihodima RS od učešća u prihodima FBiH. U Distriktu Brčko (BD) prihodi od poravnanja su iznosili 1,5% ukupno doznačenih indirektnih poreza u 2007, a isti udio ostvaren je i u 2008. godini. Poravnanja se odnose na 2005 godinu (izvršeno u 2007.) te na 2006 i 2007 godinu (izvršeno u 2008.). Nakon


³ UO 0709/14/2011

odluke Visokog predstavnika iz 2007. godine o fiksnom koeficijentu izdvajanja sredstava sa JR za BD⁴ nije više bilo poravnanja po osnovu metodologije raspodjele odnosno koeficijenata doznačavanja sredstava obračunatih za period od 2008. godine. Prihodi od poravnanja su u BD zabilježeni jedino još u 2010. godini, i to po osnovu sukcesije. Iznosili su 3,4% ukupno doznačenih sredstava BD u toj godini. Ako posmatramo prihode institucija BiH, efekti se svode samo na 2010. godinu kada je izvršeno poravnanje po osnovu sukcesije, a iznosili su 2,4% ukupno doznačenih sredstava institucijama BiH u toj godini.

A Poravnanje po osnovu sukcesije

Na osnovu Člana 10. Zakona o raspodjeli, namjeni i korištenju sredstava dobijenih po aneksu C sporazuma o sukcesiji⁵ izvršeno je poravnanje finansijskih sredstava prethodno raspoređenih po Odluci o privremenoj raspodjeli dijela imovine Bosne i Hercegovine dobijene po Sporazumu o pitanjima sukcesije.⁶ Poravnanje je realizovano preko raspodjele prihoda sa Jedinstvenog računa i to 17,09 mil KM u korist institucija BiH i 5,13 mil KM u korist Distrikta Brčko. Raspodjela indirektnih poreza prema koeficijentima u 2010. godini je umanjena entitetima i to za 11,96 mil KM FBiH, a za 10,25 mil KM prema RS. U grafikonu 3 su prikazani prihodi po osnovu ove vrste poravnanja, a obzirom da su izraženi u % BDP-a entiteta/BD, nisu ilustrovani prihodi institucija BiH.

Grafikon 3



Izvor: UIO i Agencija za statistiku BiH

B Poravnanje po osnovu koeficijenta raspodjele

Izračun koeficijenata raspodjele prihoda od indirektnih poreza zasnovan je na kriterijumu krajnje potrošnje. Nije izvodivo da raspodjela u određenom periodu ima konačan karakter sa datumom završetka tog perioda obzirom na nedostupnost podataka u vrijeme njene realizacije. Pravilnikom o izračunu koeficijenata doznačavanja entitetima koji je donesen 2008. godine od strane UO UIO⁷ definisan je način izračuna koeficijenata. Pri izračunu privremenih koeficijenata za određeni kvartal uzimaju se posljednji dostupni tromjesečni podaci koji mu prethode. Obzirom da u vrijeme

⁴ Visoki predstavnik je nametnuo fiksni koeficijent za Brčko Distrikt u visini od minimalno 3,55% ili 124 mil KM u apsolutnom iznosu

⁵ Službeni glasnik BiH br. 76/09

⁶ Službeni glasnik BiH br. 34/09

⁷ Sl. glasnik BiH br. 62/08


izračuna nisu dostupni podaci o krajnjoj potrošnji za mjesec koji prethodi kvartalu, prema Pravilniku se obračun vrši na osnovu tromjesečnih podataka sa vremenskim pomakom. Primjera radi, izračun kvartalnih koeficijenta raspodjele za period VII-IX (Q3) određene godine vrši se na osnovu podataka za III, IV i V mjesec. Raspodjela po ovim koeficijentima ima privremeni karakter sve do konačnog poravnanja za tu fiskalnu godinu koju donosi Upravni odbor UIO nakon što odobri izvještaj o vanjskoj reviziji. Pravilnikom je propisano da se prije konačnog poravnanja za svaku fiskalnu godinu vrše dva privremena poravnanja. Privremena i konačno poravnanje vrši UIO u roku od 30 radnih dana od dana donošenja odluke.

Koeficijent konačnog poravnanja izračunava se na osnovu kumulativnih podataka krajnje potrošnje po PDV prijavama za period od 1.1. do 31.12. Preliminarni podaci o krajnjoj potrošnji za određenu godinu dostupni su tek u januaru naredne godine. Osim toga prijave PDV-a za određeni mjesec mogu se naknadno mijenjati u periodu od čak pet godina, mada je vremenski rok do kojeg je moguće vršiti korekcije u raspodjeli sa JR za prethodnu godinu ograničen na jednu godinu.

Iz svega navedenog je jasno zašto raspodjela po konačno utvrđenim koeficijentima za određeni period, nazovimo je ovdje „obračunska“, nije moguća u vrijeme njene realizacije. Privremenim i konačnim poravnanjima se koriguju alocirani iznosi entitetima, kako bi oni odgovarali izračunu po krajnjoj potrošnji obračunatoj za taj određeni period bez vremenskog pomaka.

B.1. Prihodi od poravnanja po osnovu koeficijenata doznačavanja

Na grafikonu br. 4 prikazani su neto prilivi od poravnanja (prilivi minus odlivi u određenoj godini) po osnovu primijenjenih koeficijenata raspodjele izraženi u % BDP-a entiteta, odnosno Distrikta Brčko. Podaci se odnose na vrijeme realizacije poravnanja a ne na obračunski period odnosno godinu za koju su izvršena. U grafikonu 4. nije uključeno poravnanje sa JR po osnovu sukcesije koje je realizovano u 2010. godini. Ono je prikazano posebno u prethodnom odjeljku (grafikon 3).



Izvor: UIO i Agencija za statistiku BiH⁸

Iz grafikona broj 4 se vidi da su se neto prilivi / odlivi po osnovu poravnanja kretali između -0,3% do 0,4% BDP-a datog entiteta odnosno BD. Kao i u slučaju posmatranja efekata poravnanja izraženih kroz učešće u doznačenim prihodima entiteta/BD, i u slučaju izražavanja iznosa poravnanja u % BDP-a odgovarajućeg entiteta/BD treba voditi računa prilikom poređenja efekata

⁸ BDP prema proizvodnom pristupu, tekuće cijene (Agencija za statistiku BiH)

po nivoima zbog velikih razlika njihovog učešća u BDP-u BiH. Treba imati na umu da isti iznos poravnanja ima različit udio u BDP-u različitog entiteta.

B.2. Uticaj na stope rasta raspoređenih prihoda entitetima/BD

U ovom dijelu priloga su analizirani efekti poravnanja sa JR na stope rasta raspoređenih prihoda entitetima i Distriktu Brčko. **Prilikom izračuna ovih efekata nije uključeno poravnanje po osnovu sukcesije iz 2010. godine**, obzirom da ono ima jednokratni karakter te da ne proizilazi iz metodologije raspodjele prihoda sa JR. Pretpostavlja se da je poravnanje po osnovu sukcesije izvršeno iz prihoda sa JR radi pojednostavljenja njegove realizacije, obzirom da se radi o jedinom izdašnom prihodu koji se dijeli između svih nivoa vlasti u BiH.

Osim putem konačnih koeficijenata raspodjele, „obračunsku“ raspodjelu (kako je gore definisana) mogli bismo izračunati i kada za sve godine prethodnog perioda u doznačena sredstva po privremenim koeficijentima bez uključenih doznačenih poravnanja uključimo iznose obračunatih poravnanja za svaku godinu na koju se odnosi obračun. Ako nakon toga uporedimo tu raspodjelu sa realizovanom sa uključenim iznosima poravnanja na gotovinskoj osnovi (u godinama kada su isplaćena), možemo vidjeti koji su to efekti poravnanja (odnosno izračuna raspodjele na osnovu podataka sa vremenskim pomakom) na doznačene prihode od indirektnih poreza entiteta i BD. Ovakva kalkulacija eliminiše efekte poravnanja realizovanih u istoj godini za koju je izvršen obračun, obzirom da su ista uključena i u „obračunsku“ i stvarnu raspodjelu na gotovinskoj osnovi. Iskazuju se efekti samo onih poravnanja koja su realizovana u različitoj godini od one na koju se odnosi obračun.


Na grafikonima 5-7 prikazane su razlike u stopama rasta stvarno raspoređenih prihoda sa uključenim poravnanjima na gotovinskoj osnovi i stopa rasta tzv. „obračunske“ raspodjele izračunate za svaku godinu proteklog perioda.⁹ Tamnijim nijansama u grafikonima označene su razlike u stopama rasta ukupno raspoređenih prihoda entitetima/BD, dok svjetlije nijanse stubaca uzimaju u obzir prihode bez uključenih iznosa namjenske putarine. Iznosi bez uključene putarine u stvari se i odnose na „obračunsku“ raspodjelu kako je gore definisana, obzirom da se namjenska putarina raspodjeljuje po privremenoj metodologiji. Bijelim stupcima označene su razlike u stopama rasta prihoda bez uključene namjenske putarine i vanjskog duga. Ovi posljednji efekti su posebno značajni za niže nivoe (kantone, općine) kao i za likvidnost centralnih vlada entiteta, jer pokazuju u kojoj mjeri su faktorom poravnanja uzrokovana odstupanja njihovih godišnjih kretanja priliva sa JR od godišnje dinamike naplate indirektnih poreza, pored svih ostalih faktora koji na to imaju uticaja (udio institucija BiH, vanjski dug, promjene entitetskih udjela u ukupnoj krajnjoj potrošnji, a za lokalne nivoe i promjene njihovih koeficijenata doznačavanja u skladu sa entitetskim odredbama itd.).

Pozitivna razlika u određenoj godini interpretira se na način da je entitet/BD u toj godini ostvario veću stopu rasta sredstava sa JR nego što bi ostvario u uvjetima kada bi u svakoj godini bila ostvarena raspodjela koja mu pripada po konačno utvrđenim koeficijentima. To ne znači nužno da je u entitet/BD toj godini ostvario prilive od poravnanja obračunatih za neku od prethodnih godina. To takođe može biti rezultat i drugih faktora, na primjer da je po osnovu privremenih koeficijenata primio više nego što je obračunato po konačno utvrđenim koeficijentima po osnovu krajnje potrošnje za period 1.1.-31.12, a da je poravnanje po tom osnovu izvršeno u nekoj narednoj godini. Obzirom da se **radi o stopama rasta, ne smiju se zanemariti dešavanja u prethodnim godinama**. Stoga veća godišnja stopa rasta od one izračunate po konačno

⁹ Za 2012. godinu još nije izvršeno drugo privremeno poravnanje, tako da na ovaj način izračunata „obračunska“ raspodjela može odstupati od one izračunate po konačno utvrđenim koeficijentima po krajnjoj potrošnji iz PDV prijave za 1.1.-31.12.2012. Stoga **ilustraciju za 2012. godinu u grafikonima 5 i 6 treba uzeti sa rezervom**.


utvrđenim koeficijentima takođe može značiti i da je u prethodnoj godini ostvaren odliv po osnovu poravnanja za neku prijašnju godinu, pa je osnovica za poređenje umanjena, i sl.

Grafikon 5



Izvor: Kalkulacija autora

Grafikon 6




Izvor: Kalkulacija autora

Uzmimo za primjer BD. U Distriktu su u 2007. godini ostvareni prilivi od 2,14 mil KM po osnovu poravnanja za 2005., a u 2008. godini 0,54 mil KM po osnovu poravnanja za 2006 i 1,7 mil KM po osnovu poravnanja za 2007. Iako je u BD zadnje poravnanje po osnovu koeficijenata raspodjele izvršeno u 2008. godini, na grafikonu 7 vidimo da je u 2009. godini ostvarena manja stopa rasta priliva sa JR nego prema obračunu raspodjele po konačno utvrđenim koeficijentima (odnosno, konkretno u ovom slučaju, ostvarena je veća stopa pada prihoda). To se može objasniti time jer su ostvareni prilivi po osnovu poravnanja u 2008. godini za 2006. i 2007. uvećali osnovicu za poređenje sa prilivima iz 2009. U 2007. godini su ostvareni prilivi po osnovu poravnanja za 2005, pa je uprkos manjoj raspodjeli po privremenim koeficijentima nego po konačnim (poravnanje po

tom osnovu izvršeno u 2008.g.) u toj godini ostvarena veća stopa rasta od „obračunske“. Veća stopa rasta u 2008.g. potiče od priliva po osnovu poravnanja za 2006. i 2007. godinu.

Grafikon 7



Izvor: Kalkulacija autora

Treba opet posebno naglasiti **da nije moguće porediti efekte izračunate na ovaj način po entitetima/ BD** (grafikoni 5-7) obzirom na razlike u njihovim učešćima u raspodjeli prihoda sa JR, tako da isti iznos poravnanja ima različit efekat na stopu rasta prihoda entiteta/BD.

Zaključak

U uvjetima evidentiranja prihoda od indirektnih poreza u vrijeme njihovog doznačavanja jedinicama opće vlade efekte na obračun bilansa ima dinamika raspodjele prihoda sa JR. Efekte na obračun bilansa na nivou cijele BiH donosi iznos neraspoređenih sredstava sa JR u određenoj fiskalnoj godini odnosno raspodijeljeni indirektni porezi prikupljeni u prethodnoj godini. Ovi iznosi su u godini uvođenja PDV-a i sljedećoj bili veoma značajni, a u posljednje vrijeme su zanemarivi i odnose se uglavnom na saldo rezervi putarine za autoputeve. Obzirom da se radi o namjenskim prihodima direkcija za ceste koje nisu uključene u konsolidovane izvještaje opće vlade OMA-e, može se zaključiti da u periodu nakon 2007. godine nema značajnijeg efekta raspodjele prihoda od indirektnih poreza na obračun bilansa u pomenutim izvještajima.

Nedostupnost podataka o krajnjoj potrošnji za period na koji se odnosi raspodjela onemogućava konačnu raspodjelu prihoda od indirektnih poreza u vrijeme u kojem se vrši doznačavanje sa JR. Zbog toga se vrše poravnanja, kako bi konačni iznosi alocirani svakom korisniku odgovarali izračunu po krajnjoj potrošnji. Obzirom da se nekada poravnanja vrše u različitoj godini od one za koju se vrši korekcija (obračun) iz toga proizilaze efekti na prihode entiteta/ BD posmatrane na godišnjem nivou. **Treba naglasiti da se ovdje radi o godišnjim efektima odstupanja raspodjele od one po konačno utvrđenoj krajnjoj potrošnji. U pitanju su, znači, samo uticaji na stope ostvarenja prihoda po godinama, a nikako na kumulativne prihode određenog vremenskog perioda.** Ako posmatramo ukupnu raspodjelu sa poravnanjima za određeni duži vremenski period ona odgovara „obračunskoj“ odnosno onoj raspodjeli po krajnje utvrđenim koeficijentima za svaku pojedinu godinu. To naravno podrazumijeva uvjete u kojima su završena sva privremena / konačna poravnanja za posmatrani period.

Uspostava saradnje između poreznih uprava u EU: pouke za BiH, III¹⁰

(piše: dr.sc. Dinka Antić)

Pismom namjere iz septembra 2012.godine Bosna i Hercegovina se obavezala da će, u sklopu stand-by aranžmana sa Međunarodnim monetarnim fondom, jačati saradnju između poreznih uprava uspostavom službene razmjene podataka o poreznim obveznicima. Sistem saradnje poreznih uprava bi trebao biti dogovoren do konca maja 2013., dok se njegova operacionalizacija očekuje u drugoj polovini 2013.godine.

S obzirom da je BiH tek u fazi političkog dogovaranja mehanizma saradnje poreznih uprava pravi je trenutak da se pojasne operativni modeli saradnje koje je propisala EU za svoje članice, koje je, ujedno, ponudila i državama kandidatima za članstvo i trećim zemljama. U nekoliko nastavaka predstavimo pravni okvir i mehanizme platforme suradnje poreznih uprava u EU u području direktnih i indirektnih poreza, te izložiti konceptualni okvir mogućeg modela saradnje poreznih uprava BiH.

Budući da je transparentnost u finansijskim transakcijama postala imperativ najrazvijenijih država u borbi protiv globalnih poreznih prevara u okviru iste teme u narednim brojevima biltena predstavimo i globalne mehanizme saradnje država u području poreza koje su uspostavili Vijeće Evrope i OECD.

6. STANDARDI

Službena saradnja poreznih uprava se temelji na zajedničkim pravnim, tehničkim, materijalnim i drugim pretpostavkama koje osiguravaju jedinstven, jednoobrazan i jasan pristup za sve članice.

6.1. Zaštita povjerljivosti informacija

Razmijenjene informacije u bilo kojem obliku predstavljaju službenu tajnu i uživaju zaštitu propisanu nacionalnim propisima članice i propisima EU¹¹. Zbog osjetljivosti ovih pitanja Direktiva je usklađena sa temeljnim pravima i načelima koja su priznata Poveljom o temeljnim pravima EU (*Charter of Fundamental Rights of the European Union*).

Razmijenjene podatke u području PDV-a članice mogu koristiti i za:

- za uspostavu osnove za razrez PDV-a
- za naplatu PDV-a
- za kontrolu poštivanja poreznih propisa
- za obračun ostalih poreza, dažbina i taksi.¹²

Prikupljene informacije o direktnim i ostalim porezima mogu se koristiti za administriranje i sprovođenje nacionalnih propisa članica u području poreza na koje se odnosi Direktiva, uključujući i razrez ostalih poreza, dažbina i taksi i obveznih socijalnih doprinosa.

¹⁰ Prvi i drugi dio članka su objavljeni u Biltenu br. 93, april 2013 i Biltenu br. 95, juni 2013.

¹¹ U skladu sa Direktivom 95/46/EC (Directive 95/46/EC of the European Parliament and of the Council of 24 October 1995 on the protection of individuals with regard to the processing of personal data and on the free movement of such data) u dijelu kojom se reguliraju pravo pristupa informacijama, predmet sakupljanja informacija, objava prikupljenih informacija i sl.

¹² U skladu sa Direktivom 2010/24/EU (Directive 2010/24/EU of 16 March 2010 on mutual assistance for the recovery of claims relating to certain levies, duties, taxes and other measures, OJ L 84, 31.3.2010.), koja se primjenjuje od 1.1.2012.

U svakom slučaju, prikupljeni podaci i informacije o svim vrstama poreza mogu biti korišteni kao dokazni materijal u sudskim postupcima zbog kršenja poreznih propisa i u druge svrhe po odobrenju nadležne institucije zemlje koja traži podatke.

Izveštaji, izjave i ostali dokumenti, bilo originali ili ovjerene kopije, koji se prikupe od strane zemlje koja je dužna da pribavi podatke u zemlji koja je tražila informacije imaju isti tretman kao i ostali slični dokumenti koji se prikupljaju od nacionalnih institucija, te mogu poslužiti kao dokaz kod nadležnih tijela zemlje koja ih je dobila u razmjeni.

6.2. Obaveze kod dostave

Nadležna institucija članice od koje se traže podaci ne smije uskratiti dostavu podataka drugoj članici pod izgovorom da traženi podaci nisu značajni za domaće istrage. Isto tako, podaci se moraju dostaviti i u slučaju da su traženi podaci u posjedu banaka, ostalih finansijskih institucija, drugih finansijskih institucija, skrbnika ili osoba koje djeluju kao fiducijari ili iz razloga što se podaci odnose na lične vlasničke udjele.

6.3. Pohranjivanje i razmjena određenih informacija

Najviše razlika u odredbama propisa o službenoj saradnji nalazimo kod procedura i standarda pohranjivanja i razmjene određenih informacija, što je i razumljivo s obzirom na razlike koje postoje između direktnih i indirektnih poreza i razlika unutar svake od te dvije grupe poreza.

6.3.1. PDV

Svaka članica je obavezna da u svom elektronskom sistemu pohranjuje podatke iz zbirnih prijava PDV-a (rekapitulacija), koje se, u skladu sa izmjenama Direktive 2006/112 od 2009.g. podnose mjesečno. Elektronska baza podataka iz zbirnih prijava treba da sadrži sljedeće podatke:

- (a) podatke iz zbirnih prijava PDV-a;
- (b) podatke o identitetu, aktivnostima, pravnoj formi i adresi osoba kojoj je izdan PDV broj i o datumu izdavanja broja;
- (c) podatke o PDV brojevima koji su postali neaktivni i o datumima kada su postali neaktivni;
- (d) informacije koje se prikupljaju u skladu sa odredbama Direktive 2006/112/EC kojima se propisuje primjena posebne sheme za oporezive osobe bez sjedišta u EU koje pružaju elektronske usluge¹³.

Neaktivnost se označava u elektronskom sistemu najmanje u sljedećim situacijama:

- ukoliko je PDV obveznik izjavio da je njegova ekonomska aktivnost prestala ili ukoliko porezna uprava smatra da su ti obveznici prestali sa obavljanjem ekonomskih aktivnosti (npr. ukoliko obveznik godinu dana ne podnese PDV prijave i rekapitulacije uprkos službenim zahtjevima da to uradi);
- ukoliko su osobe prijavile lažne podatke da bi pribavile PDV broj ili su propustile da obavijeste o promjeni u podacima, koji bi, u slučaju da su bili poznati poreznoj upravi, doveli do odbijanja identifikacije za PDV ili do vraćanja PDV broja.

Svaka članica treba osigurati nadležnoj instituciji drugih članica automatski pristup podacima u elektronskoj bazi podataka zbirnih prijava PDV-a. Članica koja prima podatke treba da omogući pristup PDV brojevima koje je ona izdala i podacima o ukupnoj vrijednosti internog prometa određene oporezive osobe kojoj je izdala PDV broj sa operatorima iz članice od koje se traže podaci. Članica koja daje podatke treba da omogući pristup:

- (a) PDV brojevima koje je ona izdala osobama koje vrše interni promet;

¹³ Radi se o čl. 360, 361, 364 i 365 Direktive.

- (b) podacima o ukupnoj vrijednosti prometa tih osoba sa oporezivom osobom iz druge članice koja traži podatke, te
- (c) podacima o ukupnoj vrijednosti internog prometa dobara i usluga između oporezivih osoba u različitim članicama pod sljedećim uvjetima:
 - da je pristup podacima u vezi sa istragama gdje postoji sumnja na postojanje prevara;
 - da se pristup ostvaruje preko Eurfisc službenika za vezu koji ima osobni korisnički ID za pristup elektronskom sistemu koji omogućava pristup ovim informacijama;
 - da je pristup jedino moguć za vrijeme redovnog radnog vremena.

U svakom slučaju ovo je minimum informacija o PDV-u kojima se mora omogućiti pristup.

Članice su dužne da usvoje mjere nužne za osiguranje kvalitete, pouzdanosti i tačnosti podataka koje razmjenjuju elektronskim putem, pogotovo kad se radi o podacima koje se prikupljaju od oporezivih i neoporezivih pravnih osoba potrebnih za njihovu identifikaciju. Članice treba da primjenjuju procedure provjere tih podataka na temelju procjene rizika. Provjere se u principu trebaju vršiti prije identifikacije za PDV-e ili, ukoliko su sprovedene samo preliminarne provjere prije identifikacije, ne kasnije od šest mjeseci od identifikacije. Članice su dužne izvijestiti Komisiju o preduzetim mjerama i procedurama za osiguranje validnosti i pouzdanosti podataka.

6.3.2. Akcize

Svaka članica je dužna održavati elektronsku bazu koja sadrži:

- registar osoba ovlaštenih držaoca skladišta ili registriranih akciznih obveznika
- registar poreznih skladišta.

Elektronski registar treba da omogući pristup drugih članica sljedećim podacima:

- ID broju izdatom od strane nadležne institucije u vezi sa osobom ili skladištem;
- nazivu (imenu) i adresi osobe / skladišta;
- kategoriji i CN klasifikaciji akciznog proizvoda;
- identifikaciji centralnog ureda za vezu ili odjela za akcize koji može da osigura tražene podatke;
- datumima izdavanja, izmjene ili prestanka važenja odobrenja izdanog ovlaštenom držaocu skladišta ili akciznom obvezniku;
- informacijama koje su potrebne za identifikaciju osobe koja se smatra akciznim obveznikom u određenim situacijama;
- informacijama koje su potrebne za identifikaciju osoba koje se povremeno pojavljuju u prometu akciznih proizvoda, ukoliko su informacije raspoložive.

Članice su dužne da uspostave sistem ranog upozoravanja koji podrazumijeva da ured za vezu članice iz koje se akcizni proizvodi otpremaju dostavlja informaciju ili rano upozorenje uredu za vezu u drugoj članici u koju se dobra otpremaju, sve u cilju praćenja prometa i obavljanja dodatnih analiza rizika.

6.3.3. Direktni i ostali indirektni porezi

Svaki vid komunikacije informacija o direktnim i indirektnim porezima između članica treba imati svoju standardiziranu formu, propisanu od strane Komisije. To uključuje forme zahtjeva za informacijama, zahtjeva za službeni upit, odgovora na zahtjeve, potvrde, zahtjeve za dodatnim informacijama, nemogućnost ili odbijanje zahtjeva. Uz standardnu formu mogu se priložiti izvještaji, finansijski izvještaji ili drugi dokumenti i ovjerene kopije.

Standardna forma uključuje najmanje sljedeće podatke:

- identitet osobe koja je pod istragom ili ispitivanjem
- poreznu svrhu za koju se informacija potražuje.

Za potrebu spontane razmjene informacija razvijene su standardne forme zahtjeva i potvrda, te zahtjeva za službene obavijesti i zahtjeva za povratnom informacijom. Forme su propisane provedbenom Regulacijom Komisije 1156/2012. Međutim, za potrebe automatske razmjene informacija biće korišteni postojeći kompjuterizovani obrasci koji se već koriste sukladno Direktivi 2003/48/EC o oporezivanju kamata na štednju.

6.4. IT sistem

Razmjena informacija u okviru propisa o službenoj saradnji obavlja se elektronskim putem u mjeri koliko je to moguće. Evropska komisija treba da održava i razvija zajedničku komunikacijsku mrežu / zajednički interface – program kojim omogućuje povezivanje različitih informatičkih sistema (CCN/CSI) i razmjenu informacija između članica. Članice su obavezne da održavaju vlastite informatičke sisteme kako bi se omogućila razmjena informacija preko CCN/CSI. Samo ovlaštene osobe akreditirane od sigurnosnih službi Evropske komisije mogu imati pristup informacijama, ali samo u operativnom smislu (održavanje mreže CCN/CSI).

Članica koja podnosi zahtjev za dostavu podataka ili zahtjev za razmjenu sa članicom od koje traži podatke komunicira na jeziku o kojem se dogovore. U posebnim slučajevima može se tražiti da se dokumenti ili informacije prevedu na službeni jezik zemlje koja treba da pruži podatke.

6.5. Nadzor nad implementacijom pravnog okvira službene saradnje

Nadzor nad implementacijom pravnih propisa povjeren je komitetima koji se, sukladno pravu EU, formiraju kao radna tijela Evropske komisije. Komiteti djeluju kao tehnička potpora radu Evropske komisije u polju poreza. Komiteti imaju vlastiti poslovnik o radu (pravila procedure). Pravila procedure rada komiteta, usvajanje mišljenja, odnosi sa Evropskom komisijom, Vijećem i Parlamentom EU regulirani su Odlukom Vijeća kojom su propisane procedure za djelovanje Evropske komisije¹⁴. Za sada nije poznato da li će se tri komiteta (vid. Tabelu 3), koja su uspostavljena pojedinačnim propisima o saradnji u porezima, u doglednoj budućnosti objediniti u zajednički komitet.

Tabela 3: Pregled komiteta za monitoring

Vrsta poreza	Nadležno tijelo
PDV	Stalni komitet za službenu saradnju (SCAC - <i>Standing Committee on Administrative Cooperation</i>).
Akcize	Komitet za akcize (CED - <i>Committee on Excises Duty</i>)
Direktni i ostali indirektni porezi	Komitet za službenu saradnju u porezima (CACT - <i>Committee on Administrative Cooperation for Taxation</i>).

6.6. Odnosi sa Evropskom komisijom

Evropska komisija i sve članice EU su dužne da redovito razmatraju i procjenjuju funkcioniranje službene saradnje propisane pojedinačnim propisima, te da razmjenjuju informacije koje mogu biti korisne za borbu protiv porezne evazije i izbjegavanja plaćanja poreza. Komisija utvrđuje listu statističkih podataka koje članice moraju dostaviti u svrhu evaluacije efekata primjene propisa iz područja službene saradnje. Sve informacije koje se dostave Komisiji smatraće se povjerljivima u skladu sa propisima Unije. Komisija će primljene informacije i podatke proslijediti drugim

¹⁴ Council Decision of 28 June 1999 laying down the procedures for the exercise of implementing powers conferred on the Commission, Official Journal of the EC, L 184, 17.7.1999.

članicama EU. Izvještaji i dokumenti Komisije mogu koristiti samo članice u analitičke svrhe, oni se ne smiju objavljivati niti stavljati na raspolaganje drugim osobama i tijelima bez izričite saglasnosti Komisije. Komisija je dužna u propisanim razdobljima analizirati primjenu propisa i izvijestiti Parlament i Vijeće.

7. ODNOSI SA TREĆIM ZEMLJAMA

Navedena tri propisa iz područja službene saradnje poreznih uprava u EU propisuju postupke razmjene podataka između članica EU i trećih zemalja. Pod pojmom "treće zemlje" podrazumijevaju se zemlje koje su potpisale sporazum sa EU o stabilizaciji i pridruživanju i zemlje-kandidati za punopravno članstvo u EU.

Kada nadležna institucija neke od članica primi informaciju od treće zemlje koja je "predvidivo relevantna" za administriranje i sprovođenje poreznih propisa u članici tada porezne vlasti te članice mogu, ukoliko to omogućava sporazum sa tom trećom zemljom, da proslijedi informaciju članicama kojima može biti korisna.

Informacije koje članica pribavi od drugih članica u skladu sa odredbama Direktive mogu se dostaviti trećim zemljama, ukoliko su zadovoljeni sljedeći uvjeti:

- da je nadležna institucija članice iz koje informacija potječe dala saglasnost na dostavu podataka;
- da je treća zemlja preduzela radnje da se sakupe dokazi o neregularnoj naravi transakcija za koje se pretpostavlja da su suprotne poreznim propisima.

8. ZAKLJUČAK

Uspostava službene razmjene podataka između poreznih uprava unutar BiH može donijeti niz pozitivnih efekata. Osim što bi time bile stvorene pretpostavke za povezivanje sa sistemom razmjene EU, uvezivanje poreznih uprava može donijeti pozitivne ekonomske efekte za ekonomiju BiH, od smanjenja sive ekonomije, integracije ekonomskog prostora i atraktivnosti za inozemna ulaganja. Sa mikroekonomske razine domaćim kompanijama bi bili smanjeni troškovi poštivanja poreznih propisa, što bi poboljšalo njihovu likvidnost i konkurentnost. Smanjenje porezne evazije i prevara trebalo bi dovesti do povećanja broja obveznika, širenja porezne baze i rasta javnih prihoda, čime se otvara mogućnost za porezna rasterećenja regularnih obveznika.

Konsolidovani izvještaji

(pripremila: Aleksandra Regoje)

Tabela 1 (Konsolidovani izvještaj: JR, Institucije BiH, entiteti)

Konsolidovani izvještaj uključuje:

- prihode od indirektnih poreza koje prikuplja Uprava za indirektno oporezivanje na Jedinствeni račun,
- transfere sa Jedinственog računa UIO,
- prihode i rashode budžeta institucija Bosne i Hercegovine,
- prihode i rashode budžeta Federacije BiH,
- prihode i rashode budžeta Republike Srpske*

Izvještaj ne uključuje neusklađene prihode prikupljene na JR UIO.

Tabele 2 i 5 (Konsolidovani izvještaj: Centralna vlada)

Konsolidovani izvještaj uključuje:

- prihode i rashode budžeta institucija BiH,
- prihode i rashode budžeta FBiH i kantona,
- prihode i rashode budžeta RS*,
- prihode i rashode budžeta BD.

Tabele 3 i 6 (Konsolidovani izvještaji: BiH institucije, entiteti i BD)

Konsolidovani izvještaj uključuje:

- prihode i rashode budžeta institucija BiH,
- prihode i rashode budžeta FBiH,
- prihode i rashode budžeta RS*,
- prihode i rashode budžeta BD.

Tabela 4 (Konsolidovani izvještaj: Opća vlada)

Konsolidovani izvještaj uključuje:

- prihode i rashode budžeta institucija BiH,
- prihode i rashode budžeta FBiH, kantona, općina i fondova u FBiH,
- prihode i rashode budžeta RS*, općina i fondova u RS,
- prihode i rashode budžeta BD i fondova u BD.

* *Obuhvaćeno: (A) budžet Republike i vanbudžetska sredstva evidentirana u Glavnoj knjizi trezora RS, (B) ukupno ino-zaduženje za projekte koji se realizuju preko općina i preduzeća, (C) podatke korisnika budžeta Republike koji imaju vlastite bankovne račune (uključujući i neke jedinice za implementaciju ino-projekata formirane pri ministarstvima).*

Preliminarni izvještaj: BIH Institucije, entiteti i JR - 2013

	I	II	III	IV	V	VI	Ukupno
Ukupni prihodi	434,7	382,4	446,3	489,5	554,8	558,2	2.865,8
Porezi	409,4	348,7	402,9	424,1	477,1	478,0	2.540,1
Direktni porezi	22,7	29,7	53,5	45,4	27,0	31,6	209,8
Porezi na dohodak i dobit	22,0	29,0	52,5	44,3	25,9	30,6	204,4
Porez na imovinu	0,6	0,7	0,9	1,1	1,0	0,9	5,3
Indirektni porezi (neto)	386,7	318,9	349,4	378,3	450,1	445,9	2.329,3
PDV	240,7	210,2	227,6	243,4	274,7	254,2	1.450,8
Akcize	112,0	76,4	82,4	93,0	129,9	150,3	644,1
Putarina	20,3	16,8	18,9	22,5	26,6	23,9	128,9
Carine	12,6	14,5	18,9	18,2	17,4	16,2	97,7
Ostali indirektni porezi	1,0	1,0	1,7	1,3	1,5	1,3	7,9
Ostali porezi	0,0	0,0	0,1	0,4	0,0	0,5	1,1
Doprinosi za socijalno osiguranje	0,0	0,0	0,0	0,0	0,0	0,0	0,0
Grantovi od stranih vlada i međunarodnih organizacija	1,4	0,7	1,8	2,4	0,8	2,9	10,0
Neporeski prihodi	23,9	33,0	40,2	64,3	76,6	77,3	315,3
Transferi od ostalih budžetskih jedinica	0,0	0,0	1,4	-1,4	0,2	0,0	0,3

	I	II	III	IV	V	VI	Ukupno
Ukupni rashodi	411,9	400,9	410,4	416,0	459,3	473,0	2.571,6
Tekući rashodi	407,5	397,9	402,9	411,1	455,9	466,0	2.541,4
Bruto plaće i naknade zaposlenih	123,1	124,7	126,9	124,2	125,0	128,1	751,9
Izdaci za materijal i usluge	14,6	24,1	28,3	24,7	24,6	36,0	152,4
Doznake na ime socijalne zaštite	52,6	54,4	53,4	53,3	51,7	57,3	322,6
Izdaci za kamate	4,2	7,1	18,9	8,7	13,7	23,1	75,8
Izdaci po osnovu kamata u inostranstvu	2,3	5,5	10,1	6,0	6,2	14,1	44,3
Izdaci po osnovu kamata u zemlji	2,0	1,6	8,8	2,7	7,5	9,0	31,5
Subvencije	2,2	2,4	6,0	3,7	8,3	19,3	42,0
Donacije	0,0	0,0	0,0	0,0	0,0	0,0	0,0
Transferi drugim budžetskim jedinicama	40,3	42,2	41,5	37,8	42,4	49,5	253,8
Transferi sa JR (BD, kantoni, općine, fondovi, dir. za ceste)	165,4	134,4	119,1	153,2	184,6	144,8	901,5
Drugi rashodi	5,1	8,6	8,9	5,4	5,6	7,9	41,4
Neto izdaci za nefinansijsku imovinu	4,4	3,0	7,5	4,9	3,4	7,1	30,2
Izdaci za nefinansijsku imovinu	4,6	3,3	8,2	5,6	3,9	7,7	33,3
Primici od nefinansijske imovine	0,2	0,2	0,7	0,7	0,5	0,6	3,0
Bruto/Neto operativni bilans (prihodi minus tekući rashodi)	27,1	-15,5	43,3	78,4	98,9	92,2	324,4
Neto pozajmljivanje/zaduživanje (ukupni prihodi minus ukupni rashodi)	22,8	-18,5	35,9	73,5	95,4	85,1	294,2

Tabela 1

Preliminarni izvještaj: Centralna vlada – 2013

	Q1	Q2	Ukupno
Ukupni prihodi	1.261,6	1.592,9	2.854,5
Porezi	1.105,3	1.315,7	2.421,0
Direktni porezi	187,9	192,1	380,0
Porezi na dohodak i dobit	177,9	182,7	360,6
Porezi na plaću i radnu snagu	3,5	3,4	6,9
Porez na imovinu	6,6	6,0	12,6
Indirektni porezi	916,7	1.121,8	2.038,6
Ostali porezi	0,7	1,8	2,5
Doprinosi za socijalno osiguranje	0,0	0,0	0,0
Grantovi od stranih vlada i međunarodnih organizacija	5,0	6,6	11,6
Neporeski prihodi	148,1	270,9	419,0
Transferi	3,2	-0,3	2,9
Ukupni rashodi	1.230,7	1.370,8	2.601,6
Tekući rashodi	1.213,4	1.344,1	2.557,4
Bruto plaće i naknade zaposlenih	667,7	679,0	1.346,7
Izdaci za materijal i usluge	106,0	138,3	244,3
Doznake na ime socijalne zaštite	208,9	222,8	431,7
Izdaci za kamate	32,0	47,2	79,2
Izdaci po osnovu kamata u inostranstvu	18,4	26,8	45,2
Izdaci po osnovu kamata u zemlji	13,6	20,4	34,0
Subvencije	21,6	49,8	71,4
Donacije	0,2	4,4	4,6
Transferi	132,5	143,7	276,3
Drugi rashodi	44,5	58,8	103,3
Neto izdaci za nefinansijsku imovinu	17,4	26,8	44,1
Izdaci za nefinansijsku imovinu	18,6	28,9	47,5
Primici od nefinansijske imovine	1,2	2,1	3,4
Bruto/Neto operativni bilans (prihodi minus tekući rashodi)	48,3	248,8	297,0
Neto pozajmljivanje/zaduživanje (ukupni prihodi minus ukupni rashodi)	30,9	222,0	252,9

Tabela 2

Preliminarni izvještaj: BiH institucije, entiteti, BD – 2013

	Q1	Q2	Ukupno
Ukupni prihodi	881,6	1.173,1	2.054,6
Porezi	773,7	940,1	1.713,8
Direktni porezi	111,9	110,1	222,0
Porezi na dohodak i dobit	107,4	104,5	211,9
Porezi na plaću i radnu snagu	1,9	2,1	4,0
Porez na imovinu	2,5	3,5	6,0
Indirektni porezi	661,5	828,9	1.490,3
Ostali porezi	0,4	1,2	1,5
Doprinosi za socijalno osiguranje	0,0	0,0	0,0
Grantovi od stranih vlada i međunarodnih organizacija	3,9	6,1	10,0
Neporeski prihodi	101,5	227,2	328,6
Transferi	2,6	-0,4	2,2
Ukupni rashodi	837,5	921,5	1.758,9
Tekući rashodi	822,6	899,9	1.722,5
Bruto plaće i naknade zaposlenih	395,5	398,5	794,0
Izdaci za materijal i usluge	71,7	94,4	166,1
Doznake na ime socijalne zaštite	165,9	171,3	337,1
Izdaci za kamate	30,3	45,7	76,0
Izdaci po osnovu kamata u inostranstvu	17,9	26,4	44,3
Izdaci po osnovu kamata u zemlji	12,4	19,3	31,7
Subvencije	12,3	33,1	45,5
Donacije	0,2	4,4	4,6
Transferi	124,0	133,8	257,8
Drugi rashodi	22,6	18,9	41,5
Neto izdaci za nefinansijsku imovinu	14,9	21,6	36,4
Izdaci za nefinansijsku imovinu	16,1	23,4	39,5
Primici od nefinansijske imovine	1,2	1,8	3,0
Bruto/Neto operativni bilans (prihodi minus tekući rashodi)	59,0	273,1	332,2
Neto pozajmljivanje/zaduživanje (ukupni prihodi minus ukupni rashodi)	44,1	251,6	295,7

Tabela 3

Konačan izvještaj: Opća vlada – 2012

	Q1	Q2	Q3	Q4	Ukupno
Ukupni prihodi	2.507,7	2.823,1	2.878,9	3.013,3	11.223,1
Porezi	1.271,3	1.435,8	1.537,9	1.508,0	5.752,9
Direktni porezi	233,2	242,4	210,6	232,8	918,9
Porezi na dohodak i dobit	208,1	215,6	184,5	202,1	810,3
Porezi na plaću i radnu snagu	2,6	5,3	3,5	6,0	17,3
Porez na imovinu	22,5	21,6	22,6	24,7	91,3
Indirektni porezi	1.036,0	1.191,7	1.325,3	1.268,3	4.821,2
Ostali porezi	2,1	1,7	2,1	7,0	12,8
Doprinosi za socijalno osiguranje	931,3	1.020,6	1.001,0	1.096,0	4.048,8
Grantovi od stranih vlada i međun.organizacija	5,2	11,0	8,2	13,8	38,2
Neporeski prihodi	299,0	354,3	327,5	388,8	1.369,6
Transferi	1,0	1,5	4,3	6,8	13,6
Ukupni rashodi	2.522,8	2.741,5	2.861,4	3.388,2	11.513,9
Tekući rashodi	2.469,7	2.655,8	2.733,4	3.198,5	11.057,3
Bruto plaće i naknade zaposlenih	801,2	808,0	802,2	850,3	3.261,6
Izdaci za materijal i usluge	432,8	503,7	474,4	628,5	2.039,4
Doznake na ime socijalne zaštite	1.043,5	1.066,7	1.108,4	1.162,7	4.381,4
Izdaci za kamate	37,0	59,7	38,8	52,3	187,8
Izdaci po osnovu kamata u inostranstvu	19,3	39,5	20,4	32,1	111,2
Izdaci po osnovu kamata u zemlji	17,7	20,2	18,5	20,2	76,6
Subvencije	49,3	65,8	123,7	167,8	406,5
Donacije	0,3	3,2	8,2	1,5	13,2
Transferi	24,8	47,3	45,3	104,5	222,0
Drugi rashodi	80,7	101,4	132,5	230,9	545,5
Neto izdaci za nefinansijsku imovinu	53,2	85,7	128,0	189,7	456,6
Izdaci za nefinansijsku imovinu	60,9	94,0	136,8	207,1	498,8
Primici od nefinansijske imovine	7,7	8,3	8,8	17,3	42,2
Bruto/Neto operativni bilans (prihodi minus tekući rashodi)	38,1	167,3	145,5	-185,2	165,8
Neto pozajmljivanje/zaduživanje (ukupni prihodi minus ukupni rashodi)	-15,1	81,7	17,5	-374,9	-290,8

Tabela 4

Konačan izvještaj: Centralna vlada – 2012

	Q1	Q2	Q3	Q4	Ukupno
Ukupni prihodi	1.326,4	1.534,2	1.591,1	1.591,7	6.043,5
Porezi	1.122,0	1.274,1	1.354,9	1.334,6	5.085,6
Direktni porezi	189,1	194,6	164,8	179,6	728,0
Porezi na dohodak i dobit	180,1	184,6	155,9	169,4	690,0
Porezi na plaću i radnu snagu	2,4	4,5	3,3	5,0	15,2
Porez na imovinu	6,6	5,5	5,5	5,2	22,8
Indirektni porezi	931,4	1.078,3	1.188,5	1.149,3	4.347,5
Ostali porezi	1,5	1,3	1,6	5,7	10,1
Doprinosi za socijalno osiguranje	0,0	0,0	0,0	0,0	0,0
Grantovi od stranih vlada i međun.organizacija	3,7	9,3	3,6	12,7	29,3
Neporeski prihodi	200,3	250,3	231,3	240,4	922,3
Transferi	0,4	0,5	1,4	4,0	6,3
Ukupni rashodi	1.242,6	1.417,4	1.505,4	1.954,6	6.120,0
Tekući rashodi	1.226,3	1.378,3	1.459,2	1.863,1	5.926,8
Bruto plaće i naknade zaposlenih	684,0	683,2	680,1	718,2	2.765,5
Izdaci za materijal i usluge	98,1	144,9	135,1	242,9	621,0
Doznake na ime socijalne zaštite	217,2	216,3	237,6	300,9	972,0
Izdaci za kamate	31,6	52,0	32,1	45,9	161,6
Izdaci po osnovu kamata u inostranstvu	18,8	38,6	19,7	30,8	107,8
Izdaci po osnovu kamata u zemlji	12,8	13,4	12,4	15,2	53,8
Subvencije	27,0	46,8	98,4	173,1	345,4
Donacije	0,0	2,1	5,8	1,0	8,9
Transferi	127,8	160,5	185,4	196,2	669,8
Drugi rashodi	40,5	72,5	84,7	185,0	382,7
Neto izdaci za nefinansijsku imovinu	16,3	39,1	46,2	91,5	193,1
Izdaci za nefinansijsku imovinu	17,9	42,1	48,5	104,4	212,9
Primici od nefinansijske imovine	1,5	3,0	2,3	13,0	19,8
Bruto/Neto operativni bilans (prihodi minus tekući rashodi)	100,2	156,0	131,9	-271,4	116,6
Neto pozajmljivanje/zaduživanje (ukupni prihodi minus ukupni rashodi)	83,9	116,8	85,7	-362,9	-76,5

Tabela 5

Konačan izvještaj: BiH institucije, entiteti, BD – 2012

	Q1	Q2	Q3	Q4	Ukupno
Ukupni prihodi	930,4	1.091,4	1.108,4	1.164,7	4.294,8
Porezi	766,0	882,3	928,7	954,2	3.531,2
Direktni porezi	113,9	109,0	91,7	100,2	414,8
Porezi na dohodak i dobit	110,1	103,8	86,0	94,3	394,2
Porezi na plaću i radnu snagu	1,5	2,2	2,2	2,5	8,4
Porez na imovinu	2,4	3,0	3,5	3,4	12,2
Indirektni porezi	651,3	772,5	836,2	850,8	3.110,8
Ostali porezi	0,7	0,7	0,8	3,2	5,5
Doprinosi za socijalno osiguranje	0,0	0,0	0,0	0,0	0,0
Grantovi od stranih vlada i međun.organizacija	3,5	8,6	3,7	12,4	28,2
Neporeski prihodi	160,9	199,4	175,5	196,9	732,7
Transferi	0,0	1,1	0,4	1,2	2,7
Ukupni rashodi	832,5	964,7	1.044,4	1.387,0	4.228,7
Tekući rashodi	819,7	933,0	1.007,8	1.317,6	4.078,1
Bruto plaće i naknade zaposlenih	414,6	412,1	409,9	420,9	1.657,5
Izdaci za materijal i usluge	60,3	96,7	95,6	171,3	423,8
Doznake na ime socijalne zaštite	174,1	163,4	184,3	232,7	754,4
Izdaci za kamate	30,1	50,5	32,0	44,2	156,8
Izdaci po osnovu kamata u inostranstvu	18,3	37,8	19,2	30,1	105,4
Izdaci po osnovu kamata u zemlji	11,9	12,7	12,8	14,1	51,5
Subvencije	9,2	29,5	78,1	144,3	261,2
Donacije	0,0	2,1	5,8	1,0	8,9
Transferi	120,8	150,1	169,0	183,5	623,4
Drugi rashodi	10,6	28,5	33,2	119,7	192,0
Neto izdaci za nefinansijsku imovinu	12,9	31,7	36,6	69,4	150,6
Izdaci za nefinansijsku imovinu	13,9	34,1	38,1	81,5	167,5
Primici od nefinansijske imovine	1,0	2,4	1,4	12,1	16,9
Bruto/Neto operativni bilans (prihodi minus tekući rashodi)	110,7	158,4	100,6	-152,9	216,8
Neto pozajmljivanje/zaduživanje (ukupni prihodi minus ukupni rashodi)	97,9	126,7	63,9	-222,3	66,2

Tabela 6